

金石萃編補略

金石萃編補畧卷之二

勅授文林郎嚴州府壽昌縣學訓導王言撰

華陰郡君楊氏墓碑

石長方二尺六寸正書廿五行行僅存二十八字

詠常流非乎高韻自然靈心無閼曷能韶問聯古垂光
不□□是哉□□讓帝平恩貴戚敝丹第而封侯弈葉
承家淪瀾浸遠莫不光被金簡炯□夫興歎當俟雄飛
蕭何以刀筆見稱初猶雌伏祖耀隨勝王東閣祭酒儀
禮父神雅有奇節居多勝氣雖簪璽棄日常泊如也漆
園非遁自許逍遙蹤生甫初孩聰而善對孝悌由乎天

性仁慈發乎率由自六經筆削之餘有之不習而妙矣
貞觀年制授杭州錄事叅軍綱紀六曹風靡四起吳恩
信察姦邪萊縣飛鳧時來謁帝中牟乳翟化及遊童豈
惟我述冥恩庸隆二年制除恆州司馬城隣代野塞口
胡郊俗負雄邊人多俠氣爰自農桑張露冤之風裕題
輿之績嚴城偃柝偵櫓銷鋒家含鼓腹之歌人有戶文
明年突厥猖狂潛伺窺掠寒膠旣折凍水初堅占滿月
而宵飛漲秋城思周靈契焉生則楊煙保穀精應無方
卒令醜類潛奔兇徒駭散尋除佐將謂鹽梅利往鼎調
飪于槐司簪紱時來節聲明于袞路而輔仁徒說六月

七日寤疾卒于私第春秋六十五夫人華陰郡君楊氏
赤泉鴻胤朱周別生而玉度長協金箱奉柔訓以宜家
繕榛修而主饋若乃纂組之飾歲通天二年正月五日
春秋七十六卒于私第子彥協等思極終憂情逾禮以
景龍三年七月十九日合葬于長安縣西龍首原禮也
若夫纂撰家深碑遷山頂而其中有象與恍惚而無窮
人莫不知貫幽明而獨在者不色絲之雄績哀哉俾九
原之可作知孝心於古石頌曰

起乎賢林嵩邱之陽汝濱之陰時之永矣東箭南金二
祖肅肅道爲君子光文史皇考恬素獨酌立猷風情隘

俗文氣橫秋濯纓滄渚洗耳清流傳其淑幽蘭作操叢
著韞卜精動時主人徵象木鶴鳴在陰鴻飛于陸生綵
詞情忘耻過獄去惟疑灾蝗避境姦吏懲欺我求寺任
翩然遙集筆口及北門雄鎮南望邊衝戎塵每舉漢甲
常逢自從爲政亭絕飛烽允桑是競戶聞耻革家興廉
正旋降璽書恭承爵命咨運流之何止痛口已窟碑表
徒象光靈永歇無復明鏡照春顏唯有霜枝掛秋月

陝縣尉河東柳紹先撰荆府法曹隴西李爲仁書

此碑失去上截恆州司馬之姓名均無可考惟有
六月七日寤疾卒于私第春秋六十五一行尙有

明文夫人楊氏卒于萬歲通天二年以景龍三年
合葬歷歷可按銘詞亦止缺上截是以不能成誦
所幸書撰人姓名官次現俱備具字極疏秀搨本
亦甚清朗其界格甚細且絲絲可辨想近時出土
蘭泉先生是以未經采入惟以失去上半爲可恨
耳

毗伽公主墓誌

石長二尺二寸
濶二尺

唐故三十姓可汗貴女賢力毗伽公主雲中郡夫人阿
那氏之墓誌

并序

駙馬都尉故特進兼左衛大將軍雲中郡開國公踏沒
施達千阿史德覓覓

漠北大國有三十姓可汗愛女建丹賢力毗伽公主比
漢主公焉自入漢封雲中郡夫人父天上得果報天男
突厥聖天骨咄祿默啜大可汗天授奇姿靈降英德君
臨右地九姓畏其神明霸居左衽十二部忻承美化貴

主斯誕天垂織女之星雄渠作配日在牽牛之野須屬
家國喪亂蕃落分崩委命南奔歸誠北闕家聲犯法身
入宮闈聖渥曲流齒如嬪之倖女住天恩載被禮秦晉
於家兄家兄卽三十姓天上得毗伽煞可汗也因承敕
澤特許歸親兄右賢王墨特勤私第兼賜絹帛衣服以
充縻用荆枝再合望花萼之相輝堂棣未花遽風霜之
凋墜春秋廿有五以大唐開元十一年歲次癸亥六月
十一日薨于右賢王京師懷德坊之第以其年十月癸
巳朔十日壬寅葬于長安縣龍首原禮也天漢月消無
復粧樓之影星河夢散空餘錦帳之魂男懷恩兄右賢

王手足斯斷鴈行之痛于深腴下長違烏哺之情永絕
雖送終之禮已敗松塋而推改之俗慮爲蕪沒撫貞石
以作固鑿斯文以爲憑庶海變可知田移物□其詞曰
倏辭畫閣永臥荒墳人生至此天道宜論日催薤露風
急□門千秋萬古寂寞孤魂

唐有九姓部落十姓部落而無三十姓名號得此
可補唐史之缺高祖元年始畢使骨咄祿特勒來
朝賜宴太極殿奏九部樂永淳二年突厥阿史那
骨咄祿復反叛骨咄祿者頡利之疏屬是骨咄祿
者以始畢所使之人觀之則爲姓其名則特勒也

以阿史那觀之則又爲人名骨咄祿之弟又名默
啜是骨咄祿默啜係是兩人而此則合稱骨咄祿
默啜殊不可解要之骨咄祿爲姓則無疑矣骨咄
祿死後其弟默啜篡位其子小可汗又爲骨咄祿
之子闕特勒所殺乃立右賢王默棘連是爲毗伽
可汗毗伽卽位于開元四年此云毗伽公主或爲
默棘連之女未可知也然默棘連仁而愛人眾爲
之用又有左賢王闕特勒瞰欲谷相爲輔佐國固
未嘗亂離也棘連死其子依然可汗立八年卒其
弟苾伽骨咄祿可汗立明年爲闕特勒所殺遂立

毗伽可汗子又爲骨咄葉護所殺立其弟又殺之
葉護乃自立爲可汗碑所云家國喪亂其在斯時
乎公主殆爲葉護所殺毗伽可汗之子之女默棘
連之孫女也

曹氏墓誌

石長方尺四寸十七
行行十七字正書

曹氏譙郡君夫人墓誌銘

并序

夫嚴霜瘁草獨歎蘭摧驚飈拂林偏傷桂折人誰不死
嗟在奄賢伊賢者何譙郡君夫人是也夫人曹氏諱明
照曾祖繼代金河貴族父兄歸化恭惟玉階惟孝惟忠
允文允武夫人柔聲在性婉淑呈姿妙紉組于閨闈潔
蘋繁于沼沚年十有八適左驍衛將軍折府君爲命婦
六禮猷備四德凝姿孟氏母儀宗姻酌其訓曹家婦禮
里閨捐其風豈謂石破山崩奄從傾逝以開元十一年

金石錄卷之二
十月八日終于居德里之私第夫人春秋不或卽以其
年十一月廿三日遷窆于金光坊龍首原之禮也慮樹
偃千年人移百代式刊方石乃爲銘曰

天街旣形髦頭有經經緯相汁夫人誕靈如何孤應危
露先傾悼逝川之不返敢平生而著銘

夫人適折府君折姓書史少見其初有折可適與
魏道武帝俱起雲中號爲代北著姓郭達帥鄜以
眞將種稱之後拜淮康軍節度使復帥涇原其姓
至趙宋尙有折克行者沈勇有力在邊三十年戰
功尤多號爲折家父官至秦州觀察使今折府君

亦官驍衛將軍蓋世嫺勇藝當元魏至唐時已然
夫人譙郡曹氏與魏太祖想亦同系皆字內盛族
也或當卽惑字敢字或卽感字不惑句以一婦人
而用聖人造道自述之詞可謂儼不於倫猶銘中
郎將石府君之孫夫人以爲天不慙遺同一可笑
此四六文之所以卑陋也孫夫人碑見前隋仁壽
四年

秦望山法華寺碑

石高七尺濶三尺二寸行書廿三行
行五十四字四邊刻雲氣寸半濶

大唐秦望山法華寺碑

并序

括州刺史李邕撰并書

昔者法王道開嶠山相現曾是大事職非小緣順喻孔
多證入彌遠故以三界爲宅五濁爲水四生爲子六度
爲門一乘爲大車十力爲長者轉寔熱惱之眾延集清
涼之都念茲在茲廣矣大矣法華寺者晉義熙十三年
釋曇翼法師之所建也師初依廬山遠公後詣關中羅
什采入禪慧尤邃佛乘雖禮數摳衣而名稱分坐與沙

門學俱遊會稽觀秦望西北山其峯五蓮其溪雙帶
氣象靈勝林壑虛閑比興者闍營卜蘭若羞湮槃食納
如來衣專精法華永言寶意感普賢菩薩爲下俚優婆
提狶子于竹筐寄釋種于蓬室師以縮屋未可枕屐乃
明移出樹間延入舍下及杲日初上相光忽臨乘六牙
衛八部勝幡虹引妙樂天迎翩仙騰雲遙裔上漢師想
望太息沈吟永懷葉公好龍已遇真物羅漢測佛未了
聖心于是苦行自身炯誠通夢宛如昔見彌恨前非象
勸持徑嘗難其語鳥來聽法不易其人矧乃攝以蜂王
吼以師子禮謁者倚其裳袂讚歎者合其風雷時太守

孟顓以狀奏聞因以爲寺則知妙法者真如之正體蓮
花者淨道之假名是故崇厥經署于榜入無口義成不
住因至若高僧慧其邑人陳載皆踵武投跡傳燈襲明
或五柱範堂或七寶規殿立普賢座追連弗藍龍王讓
池鴈子疏搭迦羅衛國連至雲山淨明德宮更開日月
固足以發慧印啟元門入位畢臻出家偕應則有持證
等觀永藏同流或慧舉十徵或昭明再造或簡文瑞象
或武帝香鑪寶鈴吟風珠幡交露僧瑤墨意畫長豪之
妙光宮女縋功織大身之變相次有陳隨國施州邑吏
擅百寶盈于九隅羣經備于三藏所以神鍾警夜保賢

聖之天居祥鳥肅賓迓軒蓋之雲集忍辱靈草梧棲棲
十小莖優曇異花寥灼灼于喬幹故得人天迴首江海
因聲芭蕉遇雷條焉滋茂葵藿隨日至矣勤誠登山而
野曠心空浴水而垢除意淨施及先律師道岸今弟子
釋儼並身林久伐禪剌都遣性通七事戒摠八關金杖
五分優劣旣等繪采四色功德豈殊甘露有加香油不
墜頃者豪州刺史前此邦別乘太原王公名弼法海廣
大慧炬融明德立于衷義開于物邳惲致主之節有耿
校竿葛亮報國之誠不忘草奏夫人武氏佩服真空于
檣正覺及男緬緒等惟肖二尊克慎三業若行若坐依

佛依僧去煩惱之外糠得慈悲之內實啟普賢臺一級
寫法華經千部廣化人吏大啟津途卽普賢臺立法華
社每年二月重會一時且地效其靈山呈其秀有上座
正覺寺主道解都維那神慧僧表道賓律師行深慧燈
等多材爲林眾器成樂一體和合乎用住持相與言于
王公曰夫名者事之華碑者物之表其或表不立則瞻
仰失容名不興則讚述無地願言刻石是用齊山朝散
大夫前侍御史今都府戶曹袁公名楚容其皎如日其
心如丹負兼濟之雄才托演成之雅意願慚作者徒使
憤然其詞曰會計南山秦望北寺高僧往還聖跡標寄

耆闍比峯法華取義羣公護持應國擅施陸寶大來海
珍摠萃幡影連珠像光發瑞臺壓龍首殿開鳥翅象駕
菩薩烏迎車騎異香秘醇神鍾髣髴松巖蕭疏竹澗惹
翠網紀有條禪律不墜椽曹正直別乘仁智作爲碑板
讚述名字

唐開元十三年二月廿八日建

刻石人東海伏靈芝

碑石完整字無磨泐卽近時出土者亦不能如此
清潤想是翻刻重建之碑然旣是重建何以碑無
明文旣是翻刻必有舊本何以如此大件著作近

在會稽蘭泉先生竟未之見也總之字極圓勁可
與攝魂碑相埒紙身又極濶大必非好事者僞作
余檢舊篋得此不知碑所由來前人既不著錄無
可考證生平未至防山并不知此碑立于何處所
謂法華寺者今日存替如何暇當訪之秦望山頭
與始皇石刻同觀也神鍾作神鍾古字通秘醇大
香也或作醺又通作苒史記司馬相如傳晻蓂咈
苒是也楮萋萋于小莖楮當從手與攢攢字同史
記荀卿孟子韓非之徒往往摭摭春秋之文以著
書蓋謂拾取之也若作楮卽柿之別名與下句寧

字不對矣

膚施縣令上柱國于公墓誌

石方闊一尺六寸正書有額篆書大唐故于府君之誌銘九字

□□□州膚施縣令上柱國于公墓誌銘

兼序

□□□恭字履揖其先東海人也漢太守定國之胤洎
五代祖謹仕魏遂居河南今卽河南人也續著前史慶
貽後裔曾祖宣道隨左衛率□皇涼甘肅瓜沙五州諸
軍使涼州刺史成安子祖永宣皇商州刺史增建平公
父元祚皇益州九龍縣令襲建平爵尙德靜縣主公卽
主之次子也公言行周密風儀閑雅弱冠以諸親出身
解褐授好畤縣尉初大周御宇分邦制邑劃爾畿甸繇

爲稷州選部甄材擢授斯職亦當時之榮選也自茲以降累遷郡邑尋贊臨穎復典膚施關右馳聲許邦思惠非此能備也開元十四年春天子若曰縣令在任清白者選日擢用公卽隨調選方俟遷陟命何不融疾成不治以其年秋九月戊戌卒于私第春秋六十有六時來不偶其如之何夫人譙郡戴氏妍妙凝華貞順勉行自承饋盥克諧琴瑟降年不永雖恨偏沉同穴相期果然終合開元十五年七月乙酉權祔于京兆神和原禮也拱樹蕭蕭坐看成古佳城杳杳空見微月嗣子弼嬰等泣血崩心絕漿茹蓼昊天莫報長夜不曉廬陵爲谷刊

石爲表銘曰

死生有數晝夜不捨嗟彼于公長歸地下高墳峩峩宅此崇阿千秋萬古孰知其他

按虜施縣屬關西延州文首行州字上所泐當是延字猶有末筆可辨在禹貢爲雍州之域春秋時白狄所居在漢已有虜施之名其地有五龍山由來久矣惟延州于唐開元二年升爲都督府州升而縣則猶舊也書撰人姓名不載而楷法獨精碑額隸書尙有小篆餘韻尤爲古逸良可寶也文中雖字奇万字仍原文

本願寺銅鐘銘

石長五尺四寸闊三尺

鹿泉本願寺銅鐘銘

并序

東京大福□□□□□撰并書

□□之歷數者金爲長金聲之動物者鐘爲大□□□
草木□無心□□□□□攷□□□□必蔭其体妙乎
其機神乎□□帝廷用之以和樂□□□之而助道有
旨哉□□□道□□鬼王□□卽□□建塔之北有隨
氏因□□焉

皇□統天增壯厥構雖臺殿有赫石鐘□未雄曰都維

邨慧□寺主道□□慧□等顯允今□鬱爲紀綱洞
三□之囷□張二嚴之巨翼以爲是聲是聞有□敷眾
□不廣不大□□遍十方及□□□昌茂□□我心
匪石□應如雲緇□輔仁而克勤克懋清淨委施而爲
□爲珪于是乎遠貿精金博召良冶鳧□□陶□翼□
旣修杯模垣火正咄吒以起號風師閼怒而陳力巨扇
包□洪鐘□曦歟奪清夜光連紫微旁通寶□□□大
□成于□世□□陰未疑陽尙烈壤□泉沸氣積雲洩
旣旬而後寒旣堅而後發轉於隧漸□堂混乎其輪□
□然而轉暢仙獸助其下驪龍蟠其上蓄精□洽寥亮

乃神工之既濟而□□□□也且夫作有功而體有
□□□□爲中則不□不石不鬱不棹雖鴻音未□
□者已知其妙矣故緇眾□□我□□□縣之□冠
□□□□翁營會臺□□□沆漑一色
然豈□中□大□□□□攢□力□下□軋
豐穹□□雄□□□□□□元大器
斯屬鴻雄乃鏗威□隨浴而一□□響爰磔乎三界上
極□鼎□出□□□□□爲□不□羊塵滯
□開冥蒙滌曠刼之瑕滅□□之苦使結福潛潤□幾
□□其□□□□□□□□□□之□一杵

金不玉雜不異分二
三
□□昌□捧於是矣允釐僧務□三聲而□□式□□
□□四變而□□□初□細□□□□□□□□□□
入□□□□妙於是壯也乃重而畢□□是者□皆皇
覺啟□抑揚□□□也□□普其□□乎□□□□□
□□□□□萬籟成若六時登聞不惕不□以安以樂
或謂霆闢雷裂山□河洩靈祇殲走猛□僵跡皆恐怖
□□□事□□□□雄慈制又惡乎然哉若乃顒顒聖
賢翼翼龍象□之懺□以之宏宣微妙其心精進□德
有秩有序不差忒仞□□□教詳羨我元風洞達我
幽明清寔我邦國神□不可以已者其在茲乎皇十有

八年春仲月八日是鍾□□□卽其秋孟月上□□臺
也復□他方聖眾或飛來而讚揚地中菩薩或踊出而
瞻仰於是□□會□茲□□梵□□□之煌耀乎休哉
越寶旌之能事畢矣而宏範莫紀不以□乎斯河南史
凜然□□之□也□□石邑□□□禪□化□清于灌
壇希聲重美于洪器命我昭述式副羣□之望焉而主
簿□農楊景新尉楊光朝等並□□□□敏懋於道克
奉天秩允恭□□輔營樂石贊就厥美雖至默者果得
不言乎銘曰

靈鐘山□儀法天體道內虛含至圓雄威□□時乃宣

□擊□□流大千十方調論□及聖賢應我真聲開梵
筵一切苦輪□熾然聞我真聲咸息肩虛空有盡福無
邊神用廣□莫與先

□常寺沙門道光慧遠義珪法空與清儒士曾纂等並
贊成斯善凡百耆老悉記于碑陰

中山劉僧璉刻字

按碑首一字全泐知爲鹿泉者以開元九年造本
願寺舍利塔鹿泉信士畢瑜也碑但云皇十有八
年春仲八日而無年號以本願寺作于開元九年
則此碑當亦在開元時也蓋畢瑜旣先造塔沙門

道光慧遠等與儒士曾纂踵事增之爲鑄銅鐘作
鐘樓次第續成也書撰人名泐字極蒼秀文亦雅
鍊

舍利塔碑其主僧希名都維那僧惠仙上座僧惠
超威儀僧道光法師僧智秀律師僧道瑗等名此
碑亦有都維那與道光名蓋時之相去只十年耳
道光前爲威儀今列名在首已爲寺主僧矣碑又
有慧某慧某道某未知卽惠超惠仙道瑗否字泐
不可辨惠作慧前後書者以音同誤耳

本願寺銅鐘銘碑陰前三行隸書後另行書名楷書

石長五尺四寸闊三尺

皇唐開元十七年□寺都維那慧□□□厥謨□□□
及邑□清□士芳□□□□國敬造神金之鐘以十
九年二月八日鑄成其秋十月上旬鐘樓亦就□廿六
年龍舉□寅春□□十六日□碑方建凡諸儒施並刊
列□□以爲不朽而將來□也

都檢校造三門樓及鑄銅鐘兼造鐘樓五□曾義纂□

□□事張楚珪蒼□張文斐會□承

□□鄉錄事李奉珪錄事張鳳歸

封龍鄉錄事韓處亮

豐潤鄉錄事霍三良

錄事趙少珪

光泉鄉錄事雍伯恭

崇善鄉錄事馮□仁

鄉博士趙庭

鄉博士范体純

鄉博士杜□

縣學博士田成器

鐘銘已見前此碑陰也附于銘後唐制有錄事叅軍卽漢魏間督郵主簿也開元時又改爲司錄叅

軍此云某鄉錄事某鄉錄事似非州郡所置官屬
故無叅軍之名特總理一鄉之士之通稱博士亦
鄉人非官博士也故亦曰鄉博士且列名于錄事
之後

天寶三載佛頂尊勝陀羅尼呪

石長八六寸
闊二尺正書

佛頂尊勝陀羅尼呪

卍謨薄伽跋啼啼疑路迦鉢囉底毗失瑟叱耶勃陀耶
薄伽跋帝怛姪他唵毗輪駄耶娑摩三漫多囉婆娑娑
破囉拏揭底伽訶卍娑婆嚩輸地阿鼻誥者蘇揭多伐
折卍阿密唎多毗囉雞阿訶囉阿訶囉阿踰散陀羅尼
輸駄耶輪駄耶伽伽卍毗輪提烏瑟尼沙毗逝耶輪提
娑訶娑羅喝囉濕弭珊珠地帝薩婆怛他揭多地瑟咤
卍頌地瑟恥帝慕嚩疑拔折囉迦耶僧訶多卍輪提薩

婆伐羅拏毗輪提鉢囉底你伐怛耶阿瑜輪提薩末那
頡地瑟恥帝末你怛闍多部多俱脰鉢唎輪提毗薩普
吒勃地輪提社耶社耶毗社耶毗社耶薩末囉薩末囉
勃隨頡地瑟恥多輪提跋折嚧跋折囉揭鞞跋折藍婆
伐都麼麼薩婆薩埵寫迦耶毗輪提薩婆揭底鉢唎輪
提薩婆怛他揭多三摩濕婆娑頡地瑟恥帝勃隨勃隨
蒲駄耶蒲駄耶三漫多鉢唎輪提薩婆怛他揭多地瑟
吒那頡地瑟恥帝娑婆訶

佛說無垢淨光大陀羅尼神呪

南謨納婆納伐底喃怛他揭多俱脰喃涼伽捺地婆盧

迦三摩喃唵毗補麗毗末麗鉢囉伐麗市邨伐囉薩囉
薩囉薩婆怛他揭多馱都揭鞞薩底地瑟恥帝莎訶阿
阿耶咄都飯尼莎訶薩婆提婆邨婆訶耶弭勃陀阿地
瑟佉邨三摩也莎訶

南謨納婆納伐伐底喃怛他揭多涼伽捺地婆盧迦俱
𑖀邨庾多設多索訶薩囉喃唵普怖哩折哩尼折哩慕
哩忽哩社邏跋哩莎訶

天寶三載歲次甲申二月十五日建

萃編載陀羅尼呪一爲天寶七載一爲乾元二年
一爲嵩山隱士書而無年月一爲元和八年一爲

長慶元年一爲大和三年一爲咸通七年一爲乾
符六年俱皆書經非書呪也此碑在天寶三載王
氏未採因并錄之後并有無垢呪尤爲他經幢所
無

唐段常省塔銘

石長八寸濶一
尺二寸正書

唐故優婆姨段常省塔銘

并序

蓋聞宿殖勝因生逢政教仰尋師友意達直心學普敬
法門慕不輕密行貞心守志塵俗不汙其情性等虛空
證真如之境獨拔愛網厭世榮華口薩埵雄悲重迦文
之妙典火宅之內駕馭三車捨內外之財望三祇願滿
春秋七十有六以天寶八載九月十日卒于私第捨報
歸林以天寶十二載建塔于茲知神魂而不固其詞曰

女劉三娘建

金石錄卷二
妙慧歸真德超上智慈悲起行忠孝無二敦故重新心
存剛志宿植德本動靜合理

優婆夷梵語稱女子之事佛者又云鄔婆斯加碑
中夷作姨俗字也男子則云鄔婆索迦秦言善宿
男唐言近事男亦云青信士又爲優婆塞皆梵語
也此女有女無子女乃爲之建塔是墓碑中所罕
見者文錯雜不盡對偶字頗娟秀惜無書人姓名

文安郡王張公神道碑

碑長六尺有奇闊四尺二十九行行五十五字正書

唐故開府儀同三司兼左羽林軍大將軍知軍事文安郡王贈工部尚書清河張公神道碑銘并序

秘書監安陽邵說撰

前太常寺奉禮郎江東口膺書

大厯乙卯歲夏四月有星犯於北落洎秋九月癸巳大將軍維岳薨于位冕旒悼惜贈工部尚書申命有司備禮以其年十月乙酉葬于高陵縣奉政之先塋公髫髻敏異弱冠宏達風儀朗徹望之巖然業于武專于學精

于戰陳□□于兵鈴萬人之敵也天寶末改服仗劍北
趨朔邊屬幽陵首禍安羯稱亂汾陽王郭公子儀偉其
才畧引爲步將清渠之戰特拜左衛將軍党□□德
恣爲陵逼肅宗命公以麾下敢死亟往摧之遷右衛大
將軍乾元中汾陽蕩定咸洛追鉏元惡公奮無□□勇
拔棘而馳自衛杞鄴殺傷滿野加通義大夫太僕卿封
南陽縣男思明繼逆再擾東夏太尉李光弼扼河陽之
險制單懷之寇公凌琫□□□擒魁渠矢貫其背血
流被臆聖私表異遷銀青光祿大夫試鴻臚卿李國貞
繼掌師律身戕眾潰虜旅散掠居人駭亡公寇□寇盜

完安郡邑僕固懷恩之授鉞也亦仗公以心腹公閱視才力教之引滿藝成徹札者凡二千人署曰平射營爲師之左右先後今聖踐極改試殿中監進封開國伯自是定朝義踰九河梟凶猷逆日聞凱獲授特進試太常口進封南陽郡公食以實封累加開府懷恩之通封漢東郡王增封一百五十戶充朔方都知兵馬使公以三軍無帥密于避嫌駟歸闕下口食四百五十戶拜左羽林軍將軍知軍事公固辭爵邑之大食二百五十戶前此軍政壞蠹習以生常有無其人而私入其食與其衣有市井屠沽之伍避屬所征役而冒趨戎行者公悉罷

斥歸之尹京解紫紱而從褐衣者凡千二百輩其餘慰撫字恤討而訓之皆趨才勇悍一以當百丁憂去職柴毀過禮而官曹之事復曠紊無章大君深惟其人莫克續奉起公于苴經之內俾復舊官改封文安郡王泣乞終喪抑而不納于是圖贍軍實貿遷有無製良弓勁矢強弩堅甲動萬萬計其長戟利劍戈矛及鋌亦萬萬計至于經費餘羨緡錢緡縞米鹽稻麥之數莫之能□咸登于內府入于禁倉其有牛車什器入于中者亦數十百萬上所獎重遷本軍大將軍公以天時地利明主之所當知也創風□氣候圖密以上獻復慮國用不足奉

私財佐軍帝益加歎因而賜帛公始自將校驟隨節制
幕下之碩畫公必佐焉軍中之右職公必更焉○禁旅
游滿渥澤一人之顧問公實叅焉九重之謀議公皆造
焉錫以金券仍畫像于凌烟閣爲享飴者爲邦翰垣不
及中身何剝喪之速寢瘳之日御醫結轍傾落之後中
貴盈門朋儕之數加常一等或吊唁其室或奠祭于塗
其恩□之厚也如此公外強毅而內涵至其奉親也竭
力于養盡心于疾養則問其所欲視其所膳晨昏莫之
違也疾則頷其色致其憂冠帶莫之解也雖迫以嚴命
竟從於金革而飲恨終身永痛於創鉅加以義禮接於

姻戚任卹深於子姓寒貧飽其惠孤藐忘其亡蓋孝悌之極也本乎世系則隨齊州刺史政之曾孫皇太子家令元濟之孫豐王府司馬贈靈州大都督履仁之子世尙忠肅以術學理行聞蓋靈源之濬也議其祚胤則益王府長史舅左監門衛率府錄事叅軍杲太子司議郎晟崇文生輩長未及冠弱纔知方然而因心克孝率禮不越蓋積慶之深也公視其母弟有志切于已焉家之餘財身之後事盡委于志旣而喪紀辦護豐碑篆刻皆令季之所爲也人謂文安友愛有志弟悌張氏之業其不替乎銘曰

勲臣之賢將有文安累康屯艱爲邦垣藩婪婪巨滑射
天吹主帝念汾陽專征耀武惟公憤發願從旗鼓肇自
朔裔南馳闕輔闕輔旣清復東其□訓激貔虎戟摧戎
虜思明繼逆再擾三河河陽之師實制賴□桓桓太尉
將定諸華忿是覃懷附于兇邪公擒其帥勲伐居多懷
恩授鉞計余姦羯翳公烈烈遂掃逋孽汾上之潰我成
其功違難遠嫌宛□清風訓馭北落聲華有融如何昊
穹而降斯凶贈以冬官洪惟饒終轉發京邑塢歸渭汭
精魄何之英名孰繼空留片石萬有千歲

貞元八年三月十日建

按張維岳唐書無傳撰人安陽邵說卽大歷四年
爲太常卿趙叡冲撰神道碑者惟趙碑題銜書尙
書兵部郎中而此則書秘書監按舊唐書說舉進
士爲史思明判官史敗說降于郭子儀累授長安
令秘書少監遷吏部侍郎太子詹事第傳只云少
監而此則直書秘書監爲不同耳書人膺上一字
泐無可攷邵說始事史思明張公先亦屬僕固懷
恩後殺懷恩子瑒於榆次傳首京師投降於郭子
儀者二人皆始叛終歸能識順逆位至通顯可節
取也而碑文未及此蓋說以已度人代爲諱也此

碑字極秀整惜未得姓氏翰作翰稍嫌近俗上有
小筠小方印想小筠曾藏此拓本耳

徐偃遺廟碑記

石長二尺濶二尺四寸正書十八行行十四字有額篆書徐偃遺廟碑記六字

朝議郎守尙書

徐與秦俱出伯益爲嬴姓國於夏□相賊害卒償其國而沉其宗徐處□王無道意不在天下好道士說得□於徐之進者三十六國得朱弓赤□而從之萬有餘家偃王死民號其□迹史書徐氏十望其九皆本於偃□縣龍丘有偃王遺廟或曰偃王之□間卽其居立先王廟云開元初徐□前碑所謂今戶部侍郎其大父也□黑暗昧就滅藩拔級夷庭木禿缺祈工齊事惟月若日

工告訖功大祠□鐫之石辭曰 秦傑以顛徐繇邈繇
利害孰與王當姑蔑之墟太末之□多孝世奉王廟達
夫之來□慎詔□惟王雖古誰亢王死於仁彼以暴喪
皆

龍飛皇唐元和九年十二月

徐與秦俱出伯益碑因徐偃王遺廟而立文特借
秦以襯起徐之當立廟耳蓋秦以暴喪徐以仁亡
以仁亡者不忍百姓之戰爭死于鋒鏑偃王雖爲
楚滅其遺澤在人民不能忘此立廟之所由來也
文云三十六國卽博物志所謂江淮諸侯伏從者

三十六國也後漢書亦云偃王處潢池東地方五百里行仁義陸地而朝者三十有六國其說與碑正合碑云得朱弓赤矢卽博物志所謂舟行上國乃通溝陳蔡之間得朱弓矢以已得天瑞遂因名爲弓者是也文云萬有餘家卽志所謂爲楚所敗逃走彭城武原縣東山下百姓隨之者以萬數是也後漢書亦云走武原縣東山下百姓隨之者以萬數因名其山爲徐山說正與碑合蓋廟之立也卽以王所居之地爲建遺廟碑云縣龍邱縣字上碑文已泐字不可辨未知在於何地此碑不見采

於前人無可攷證姑闕疑焉無書撰人姓名其首
行所謂朝議郎守尙書及碑中所云今戶部侍郎
俱不書名尤不可考文云秦傑以顛徐繇邈繇又
云王死于仁彼以暴喪頗有南宮适禹稷羿奡之
吟立言有本非唐文之專尙華縉者所得望其肩
背也其人不傳可爲歎息

龍花寺韋和尚墓銘

石長尺五寸濶
尺四寸正書

唐故龍花寺內外臨壇大德韋和尚墓誌銘

并叙

從父弟鄉貢進士同翊撰

大德姓韋氏法號契義京兆杜陵人也元和戊戌歲四月庚辰恬然化滅報年六十六僧夏四十五粵以七月乙酉遷神於萬年縣洪固鄉之畢原遺命不墳不塔積土爲壇植尊勝幢其前亦浮圖教也曾王父諱安石

皇尚書左僕射中書令大父諱斌 皇中書舍人臨汝郡太守烈考諱衮 皇司門郎中眉州刺史家承卿相

德勲之盛族爲關內士林之冠始 先妣范陽盧夫人
以賢德宜家蕃其子姓故同氣八人而行居其次在女
列則長焉自始孩蘊靜端介潔之性及成人鄙鉉華靡
麗之飾密實心于清淨教親戚制奪其持愈堅年十九
得請而剃落焉大歷六年制隸龍花寺受具戒於照空
和尚居然法身本于天性嚴護律度釋氏高之 國家
崇其善教樂於度人勅東西街置大德十員登內外壇
場俾後學依歸傳諸佛心要旣膺是選其道益光門人
宗師信士向仰如水走下匪我求蒙持一心之修繕佛
宇來四輩之施捨金幣高閣山聳長廊鳥跂象設旣固

律儀甚嚴率徒宣經與眾均福故聞者敬而觀者信如
來之教知所慕焉嘗從容鄉里指于北原而告其諸弟
曰此吾之所息也爲其識之嗚呼生歸于佛沒歸于鄉
至哉其孝乎所以報生育劬勞之恩備矣窆窆之制咸
所遵承弟子比邱尼如壹等服勤有年號奉遺教杖而
會葬者數百千人極 □ 氏之哀榮難乎如此迺沉礎
而志于墓云

迷方之人妄聚之身白月下臨苦海無津我得度門性
□□□亦旣落髮于焉報親孝乎終始歸于故里石□
□□□□□趾

安石與斌唐書皆有傳而衮則無之且斌之子弟有名況者少隱王屋山屢薦不起起亦到官後卽以疾辭斌子無名衮者得此可以補史之缺安石史稱萬年縣人而此云杜陵其葬則在萬年縣且云沒歸于鄉則史云萬年人者較信也碑云左僕射史云右僕射兼太子賓客封郇國公史詳碑畧碑之結銜不能不畧也左右異者蓋生時則爲右僕射因妻笞婢事爲御史所劾遷爲蒲州刺史死後天寶初乃追贈左僕射耳斌初爲太子通事舍人天寶中乃爲中書舍人兼集賢院學士改太常

寺少卿以李林甫構韋堅獄斌以宗累貶巴陵太守移臨汝爲安祿山所得憂憤卒韋氏簪纓之盛其曾祖祖父外斌之兄則有陟贈尚書左僕射安石之兄則有叔夏贈兗州都督修文館學士叔夏之子則有縉終太子少師安石從父兄子則有抗贈太子少傅抗之弟拯爲萬年令史所謂四弟同時列戟衣冠罕比者詢莫與比也衮之女以鼎族而少年剃度蓋有監于曾王父之籍職憤死乃祖之陷賊憤死父僅終干一州刺史人如交乃志之堅臥林泉藉可悠游養性耳碑有撰文人名而無

金不素續補卷之二
書人姓名然書法亦甚整秀以比邱尼而稱和尚
尤爲新別碑但云元和戊戌戊戌十三年也

韋公玄堂誌

石長一尺四寸濶一尺三寸
二十七行行二十五字楷書

唐故朝散大夫秘書省著作郎致仕京兆韋公玄堂誌
第四子前山南西道節度判官將仕郎試
大理司直兼殿中侍御史紆謹撰并書

唐元和十四年三月廿三日 公棄背於長安新昌里
私第享壽八十有三嗣子縝洎系練紆絢哀號於天毀
未敢死乃誓先王卜兆之義以明年五月一日奉遷
靈座祔於萬年縣洪固鄉畢原先太夫人太原王氏之
塋焉縝等咸以公潛耀道德不求顯著他人論譔未能

盡美盍自志之

公諱端字正禮

五代祖孝□後周大司空鄧襄公高

祖津隋民部尙書

曾祖琬皇成州刺史贈禮部尙書

祖季弼太僕寺主簿

烈考廉尙書庫部郎中自鄧

襄公以盛業洪伐延耀後嗣以至於郎中茂續其□□

官壽不至士大夫到於今嗟稱之 公卽郎中第二子

也體苞元精天付全德孝友忠信莫匪生知以古之賢

達有保身遺□不降其志不辱其身之道莫不洞與心

契歸於一揆故常以恬曠自適怡攝爲宗是以家人忘

貧位不稱德官歷率更寺主簿下邳縣主簿下邳陽羣

二縣丞國子監主簿凡五仕三爲色養二爲孤幼皆非公之志也自是之後蕭然杜門淮夷削平之明年

皇帝在宥天下方宏孝理詔百辟父母存有顯擢沒有褒贈時纘爲工部郎中由是拜公朝散大夫秘書省著作郎致仕先太夫人追贈臨汾縣太君時謂

公之義方纘之顯揚斯爲至矣太夫人曾祖諱子真皇襄州錄事叅軍祖怡河南尹東都留守考毗昭應縣尉太夫人生令族德門稟柔明淵懿脩睦婦道裁成母訓輔佐君子踰廿年所以敬養先姑無違尤慈幼惠下無怨悔纘等不孝祿養未及禍罰已鍾而外族淪替靡

所依倚是以霜露怵惕有加岡極之痛焉以貞元六年奉安京兆至是蓋附嗚呼蒼天纁工部郎中系陽翟縣尉練鄉貢進士紆兼殿中侍御史絢前太廟齋郎紆頑闇不類哀敬不文泣血書石以寘泉隧

貞元六年母先葬於萬年縣畢原至元和十四年父京兆公歿以明年附於母塋所謂至是乃附也罔作岡不見字書誌父墓并誌母族三代名爵自是創格想母氏無人誌之以昭統系所謂外族淪替者是也

司馬君夫人新安孫氏墓銘

石長方一尺
三寸正書

唐朝議郎行鳳州司倉叅軍上柱國司馬君夫人新安
孫氏墓誌銘 并序

前翼王府叅軍賈中立撰

夫人字堅靜建業人也曾王父瑜睦司馬卽吳之洪允
矣祖從朗錄事父愿皇慰望江咸襲繁祉垂裕後昆夫
人婉婉令淑挺然生知及笄年適于司馬司倉宗窈窕
閑雅謙和優柔行合規矩言堪典模恭理黍稷調暢琴
瑟義光中饋孝顯家風綱衣無華舉案有則訓女四德

示男六經親族姊姒肅然心伏凡在閨閭莫不書紳性
止恬淡情忘嗜慾洞了生滅俄而謝世元和十五年五
月十六日微疾同瘳終于長安頒政甲第也享年五十
口以其年十一月廿二日將遷于國西阿城南原禮也
嗚呼生事畢矣二女早逝有子長裕泣血哀號抑情就
禮痛雍穆之風泯然斯絕刊石紀德庶幾不朽中立舊
館之賓睹其家道不揆爲銘未充名實銘曰
婉婉積善不享遐齡貞操符禮柔和合經尺波一謝寸
晷同停愛其芳烈刻石存銘

孫夫人之葬但言有子長裕而不及司馬想司馬

已早世碑特未經叙入耳叅軍有司戶司田司兵
司功諸目司倉叅軍亦猶是也賈中立爲王府叅
軍官無可攷度卽舍人家令之屬

兵曹鄭君墓誌銘

石長方一尺楷書

故右內率府兵曹鄭君墓誌銘

并序

潁川陳齊之撰

昔鄭桓公爲王卿士始受鄭于周因封命氏漢魏以降其族滋大有唐以來□□□軌君其裔也曾王父璿河南少尹王父溥尙書右部郎中歷青邢相衛□幽懷七州刺史入爲左庶子皇考華駕部郎中吉州刺史仕濟其美時與其能君卽吉州之少子也隱不違世顯而成晦於所與以義於取人以廉以□遊江湖而無所爲累

金石萃編補畧卷二

五

也君諱準字□道其先滎陽人有憲也之貧□□□之
貴人□於此皆不堪其憂君之於此未嘗滑其□□□
□爲知命也大和四年正月二日遘疾終于蘇州華亭
縣白砂鄉徐浦場之官舍享年六十有三有子五人嗣
曰宗儒次曰宗韞次曰宗慶次曰宗遜皆銜恤茹哀克
奉先訓又一子奉釋氏教端嚴清靜修無生忍名曰宏
直嗟乎伯仲叔季於執喪之禮皆得順變卽以其年秋
八月廿五日權葬于義興縣洞庭鄉震澤里下朱村原
從宜也有女三人皆在冲幼五子以余有往年之舊請
余於文銘曰其生也天其死也天死生皆□兮河適非

然嗚呼苟不達于此哀何勝焉

衛歷府本秦官漢因之唐爲左右衛率府龍朔二年改爲左右典戎衛咸亨元年復舊置率各一人領兵宿衛督攝隊伍總判府事副率二人又有倉曹叅軍掌糧廩膳脩田園又有兵曹叅軍又名鎧曹又名曹曹掌軍器儀仗碑云右率府兵曹蓋卽衛率府兵曹叅軍之省文鄭君不知何郡人所謂滎陽者其先人也故曰權葬於洞庭蓋蘇州去洞庭較近故葬於此猶今人以官爲家歸無田里文中所以云有憲也之貧不堪其憂也字極娟秀絕

似十三行瘦本是可寶也文中廿字卽世字蓋諱
世字缺筆

唐高平郡開國公劉公故夫人楊墓碑

石長二尺三寸濶

二尺二寸正書

唐左神策軍護軍中尉副使兼左街功德副使金紫光祿大夫右監門衛將軍上柱國高平郡開國公食邑二千戶劉公故夫人宏農縣君楊氏墓誌銘

并序

朝散大夫試太子詹事兼監察御史魏則之撰
夫積慶者宜鍾乎介祉享祐者宜降以永年繆鑿若斯
根源靡究然修短之分豈造次而踰焉嗟乎月墮仙娥
星收婺彩花摧玉樹噫足悲哉夫人宏農楊氏諱珽字
瓊華京兆長安縣人也曾祖待賓皇昭武校尉守綏州

義合府折衝祖延祚皇任內飛龍厯都判官寶應功臣
太中大夫行內侍省內常侍上柱國賜紫金魚袋父惟
良皇任華清宮使朝散大夫守內侍省內常侍上柱國
賜緋魚袋皆簪組傳榮衣冠弈弈庸勲繼代諫譔詳諸
夫人卽內常侍公之長女也坤靈毓質蘭畹挺姿性稟
冲和量懷溫雅詩書瞻曹家之奧管絃精蔡氏之能婉
嬋含貞宗族攸重三星始見百兩爰來年泊初筵適于
高平劉公洪潤齊眉等貴合登聯輝相敬如賓和鳴並
耀日來月往卅餘載晨昏盥饋夙夜無違逮事舅姑益
彰溫清因夫延寵疏邑顯榮石窀之封固無慙德繇是

閨門鬱郁素履彌芳壺範聿修彤管稱美宜乎永諧宮
徵終契百年之歡樂往悲來旋徵二堅之夢膏肓有驗
和扁無瘳沉痾連綿委懷臻極以大和四年六月十一
日卒于輔興里之私第享齡五十有四粧奩遽閉香閣
永辭逝水不迴奄歸長夜嗚呼哀哉瓊枝忽墜鸞鏡徒
懸悼隔幽明痛深泉路兆卜先遠龜筮告從旌旆啓行
輜輳就引卽以此年十月廿九日遷窆于鳳城西之龍
首鄉龍首原禮也有子五人長曰仕仵子亭判官太中
大夫行內侍省內府屬承上柱國高平縣開國男食邑
三百戶次曰仕輔朝議郎行漳王府叅軍上柱國次曰

仕侗中散大夫行內侍省內府局丞上柱國彭城縣開
國子食邑五百戶次曰仕僚次曰仕份賜綠或趨馳禁
掖或叅東王曹或委質宮闈或優遊墳籍皆神形持立
雋秀當時聲掩八龍價邁三虎茹荼叩地瘠毀苦廬泣
血絕漿孝伴曾閔攀號不逮瑪墓岡依感切風泉哀纏
骨髓恐川成峻岳山變洪波願刻貞珉庶旌盛烈銜悲
見請竊愧謏才握管抒辭多慙漏略銘曰

易讚坤靈詩美嬪則婦道母儀柔從淑克行標茂範德
播擇鄰事上盡敬撫下推仁宜昌百祿保壽千春天胡
不臧降禍茲辰宅兆何所鳳城西偏松檟云樹曉夕凝

烟楊絮蕭蕭馬鬣危危芳塵漸遠朗月空垂

將侍郎試太常寺奉禮郎李約書

吳郡朱弼刻字

唐文宗年號太和凡九年後乃改元開成其四年則歲在庚戌也碑未載入劉公名洪潤不書其所自出而夫人則反叙三代名爵甚悉蓋銘爲夫人製故詳畧有異如撰文人魏則之書人李約二人均不著聞而文理與書法俱精足見唐人才藝之精者不必俱在高位也契作契局作局俱俗罔作罔古通盤古戾字繆盤卽繆戾唐有六廐一曰飛

黃二曰吉良三曰龍媒四曰駒駝五曰駛騄六曰
天宛而無飛龍至廣德元年乃有飛龍使此言飛
龍使卽飛龍使耳將仕郎作將侍郎大中大夫作
太中大夫俱從原碑

習空和上碑

石長尺二寸
闊二尺正書

唐故內供奉翻經義解講律論法師習空和上塔銘序

并序

正議大夫守秘書監上柱國琅琊縣開國公食
邑一千五百戶賜紫金魚袋王申伯撰

天地之德至大非風雷日月之用不能贊其化育而發
生乎萬物釋氏之教至精非聰達惠覺之士不能揚其
妙道而化度乎羣疑天生法師克契斯義用安一世以
垂化後云法師諱習空姓任氏弱而神清幼而不羣年
八歲心已向佛誠請旣行緣愛自去遂授經於惠雲卒

學景鸞耳所一聞亦旣懸解目所一覽又若夙習跪陳
精奧師皆歎異知□其法非天縱之孰能如斯法師常
謂弟子曰我靜觀眾生或瞽或聾噉噉溺于狂妄
若智者不能拔仁者不之慈雖獨揭厲于清源則大聖
之教又將安施於是張善惡報應驅僻邪于中正導真
如之理解拘縛之勞登高抗音化所不化侍

代宗則聲仁王之言發而歸于大中理貫而合于至
正故君聞而仁臣聞而忠推而廣之夙化斯變 詔法
師與天竺三藏譯六波羅密經功畢上獻

天子感歎錫賴有加雖異方之奉斯學者知有所本矣

由是大教揚溢于海內惠風漸漬于人心朝廷垂衣刑
措於下其或有助乎嗚呼時將不幸人其無依以貞元
十年正月十五日告行于興唐寺報年六十一弟子惠
見等與俗侶白衣會葬服縗者千人以其年三月四
日弟子智誠寺共起塔于畢原高岡旣相與號慕不逮
因諮鄙人刊銘于石述其妙道用慰永懷銘曰

佛有妙法使皆清淨世界罕聞色塵皆盛

其一

心逐于

妄情亂于性扇爲頽風蕩然莫止

其二

大哉我師降厥

慈悲開示寂樂破摧昏疑

其三

法相旣圓色□自離千

萬大眾歎泣而隨

其四

大教旣揚威德□光除彼煩□

化爲清涼其五功成身去自契自藏銘于塔石與天俱極

大和七年歲在癸丑八月十五日比邱智亮等
建

從一法源超秀惟□□安惟永智兼日榮海□
惟時

惟旭自謙善□□游京兆田復書

大和七年癸丑唐文宗在位之七年也師葬于太
宗貞觀十年三月至此已越一百九十餘年之久
歷高宗中宗天后睿宗元宗肅宗代宗德宗憲宗

穆宗敬宗凡十二朝何葬與立石之相去太遠也
其中年號必有一誤習俗辯字本作習北齊所造
字字彙補云習佛書辯字是釋教辯正作習尙非
俗體巧言爲辯猶行不及之爲後不正之爲歪也
文爲王申伯撰無書人姓名建立後末一行有田
復名未知碑卽田復所書抑或後來附入均不可
知文中狂妄妄字誤作妄

唐鉅鹿魏君夫人墓銘

石長方尺
六寸楷書

唐故宣功叅軍鉅鹿魏君夫人趙氏墓誌銘

并序

前延州防禦衛推文林郎試左驍衛兵曹叅軍

王傳撰

公諱邈字仲方甘肅秦改魏爲鉅鹿郡也後徙家於
山南今則洋州興道人也昔周建侯王是稱盤石國命
良相謚曰文貞公泊枝派初分導自洪源之注蘭蓀並
振時爲銓藻之芳祖賓父朝隱皆敦儒術諒識宏深高
樂園林自求野逸公孝達叅閔學茂游夏稟志孤貞潔

行端操須因入仁多爲台鼎廉察之知累以德藝精粹
聞於天庭始奏授懷州參軍次遷授果州司戶參軍次
任婺州司功參軍次任宣州司功參軍凡歷四郡皆以
直道佐理惠洽優人官賴其能民受其福以茲樹善旣
至必獲神休豈謂天喪貞良倏延荒療乃針石靡效寘
齡苟車奄忽俄然盡爲松楸是則逝波湮沒而不還風
燭泯光於殘夜以元和九年十月十三日不祿於任壽
年五十有五卽十年四月護歸京兆窆於萬年縣洪同
鄉北韋村北原也夫人天水趙氏考皇任壁州長史昇
之仲女也少習師保內則素彰懿淑茂儀柔順芳婉而

乃失翼凌虛亡舟涉濟孟母彼美敬姜謂歟以會昌四年冬偶嬰微疾殆踰累旬冬筭冰魚日無不至十一月十五遂歿于延州豐林縣之私第享年七十有五今以五年十一月廿三日護喪祔于萬年縣洪固鄉北韋村北原禮也有女四人長適皇甫氏次適李氏次適侯氏幼適王氏並早閑保傅□于柔儀□德婦功怡聲婉婉或逝水不返或婦言益嘉雖女使無□□□諒□□有子三人長曰齊貢前任延州豐林縣令次日匡贊前任劔州晉女縣主簿幼曰文質任□州永泰縣令俱以簪笏官途學行清敏政則治民惠乃周物自□□□負泣

血絕漿號護情妻毀瘠終制及□□□南蓮哀戀北堂
禘嘗之儀晝暮增潔竊以應行式序祈詩□□土木非
剛刊石爲事儔每婉孌薄冲讓未獲辱命染翰爲詞頗
難銘曰

黑水之西終山之北厥土上上人惟溫克鄴謂之先秦
風是□簪笏所繼其儀不忒淑慎佳美咸曰貞廉婦禮
彌著母德式瞻家以議從子以道謙未獲榮養奄弃恩
嚴豈曰盛衰抑奪人慾千載之後悲此山曲

碑有撰文人名而無書碑之人且魏公葬于元和十
年夫人葬于會昌五年夫婦合葬同原而銘詞多頌

夫人魏公較畧殊不可解且文亦生拙字尤草率
以至次任婺州二句失寫旁注甚非鄭重銘幽之
意姑存之以補萃編之所未備

太原縣開國男王公墓誌銘

石方潤尺
三寸正書

唐故正議大夫行內侍省內府局丞員外置同正員上
柱國太原縣開國男食邑三百戶賜緋魚袋王公墓誌
銘并序

將仕郎試右監門率府錄事參軍劉景夫述

公諱守琦父皇任朝散大夫充內酒坊使諱義通之弟
九子也公早朝禁掖旋授勗恩配賢父天實遇慈昊訓
以文藝卓以詩筆教以溫常誠以廉克仁德播於流穹
特選名於肘掖恪恪奉主孜孜在家貞清絕邁於古賢

硃聽全逾於往哲斯可謂天之佑也故得常居寵秩朱
紱銀光掘恩不榘於先宗煥彩實暉于後嗣貞元十二
祀入仕大中三載退歸私第因寢疾崩於歲十二月十
五日緣久居崇秩先塋稍隘爰于舊墳西南隅創建斯
塋也伏以先墳高聳碑秀峨峨族裔具書此不列之公
先夫人張氏早喪附在大塋嗣子四人長曰從祐適而
往逝亦附大塋今夫人謝氏追念前恩怨嗟煢煢哀慟
過於斑家調訓同於孟母今至孝男允實次曰從盈又
次曰從泰等嗷嗷血淚逾甚高柴啟侍晨夕殊邁曾哲
生事已畢葬事將塋宅兆吉晨用刻大中四年正月廿

三日禮葬鄉曰崇義村號南姚土事銘詞因斯建也

銘曰

彤彤王公穆穆和恭侍親以孝事君以忠四科畢備書
釗全功能章禮樂能揚國風少承光寵暮乃將退居上
其宗居下其愛身沒名章魂消譽在釗鏡人仁孰不欽
賚

王公之父爲內酒坊使此官不見于唐書蓋卽周
官酒正之屬在唐亦只與五坊宮苑使相等至王
公則爲內侍省內府局丞以至賜緋魚袋內侍省
初名內侍監咸亨元年乃易監爲省後亦時改時

復唐制內侍省其官員內侍四人內常侍六人內
謁者監六人內給事十八人謁者十二人典引十
八人內侍伯二人寺人六人外又有五局一曰掖
廷局掌宮人版籍二曰宮闈局掌內宮門禁其屬
有掌扇給使等員三曰奚宮局掌宮人疾病死喪
四曰內僕局掌宮人輿輦導從五曰內府局掌宮
中供帳五局有令有丞碑云內府丞則掌宮中供
帳之人也故文首卽有早朝禁掖之說武后時增
設中官碑云外置同正員者添設之員猶正設之
員也至稱上柱國開國男唐之寵遇內官可見亦

猶左右監門將軍及觀軍使等號耳穹作穹秩作秩喪作喪嗣作嗣班作斑均俗後作後亦俗但字作才不及頗有文義釵字不見字書想亦劍俗字至死于私室竟敢言崩于某年某月內臣之無忌憚何乃竟至于此

榮王府長史程公墓誌

石長二尺濶一尺八寸
三十行行三十字正書

集賢直院官榮王府長史程公墓誌銘

并敘

鄉貢進士溫憲撰 男進思書 男再思篆蓋

程氏之先出自保休甫其後程嬰春秋時存趙孤以節
義稱故奕世有令聞公諱修已字彥□曾祖仁福左金
吾衛將軍祖鳳婺州文學父儀蘇州醫博士公幼而□
固通左氏春秋舉孝廉來京師遊公卿名人間能言齊
梁故實而於六法特善□□錫自顧陸以來實絕□出
惟公一人而已大和中陳丞相言□公於昭獻因授浮

梁尉賜緋魚袋直集賢殿累遷至太子中舍凡七爲王府長史趙郡李宏慶有盛名常□鬥雞□□對傷首異日公圖其勝者而其對□壞籠怒出擊傷其畫李撫□□駭□□昭獻常所幸大名盧□一旦有弊蓋之歎上命公圖□□宮中畋夫□者皆俯伏上寵禮特厚留於□院凡九年問民間事公□□不對唯取內府法書名畫日夕指撚利病上又令作□障數十幅□成因□爲詩命翰林學士陳□行等和之盛傳於世公於草隸亦□□章陵玉冊及□安太后諡冊皆公之書也丞相衛國公間有客藏□□書帖三幅衛公購以千金因持

以示公公曰此修已給彼而爲非真也因以水濡紙扶
起果有公之姓字其爲桃杏百卉蜂蝶蟬雀造物者不
能爭其妙於□際仍備盡法則筆不妄下世人有得公
片迹者其緘寶耽翫千古昔公嘗云周侈傷其峻白
張□其澹□盡之其唯韓乎又曰吳恠□元通陳象似
幽悲揚若痿人強起計若市人鬻食性夷雅疏澹白哲
美風姿趙郡李遠見之以爲沈約謝朓之流大初中詞
人李商隱每從公遊以爲清言□味可雪濁垢憲嚴君
有盛名于世亦朝夕與公申莫逆之契高遊□引非公
不得預其伍公之爲畫毛詩□圖藏于內府以咸通四

年二月一日遘疾□□□□□□享年□十九先娶葉氏有子三人長曰進思鄆州甘泉□□次日通□□□□尤高妙□□公迹殆相亂又其次曰再思於□學所不通工篆擅其□狀澹古邁健後娶石氏有女二人長適□州韋城縣尉景紹一女幼石氏亦先公而亡以其年四月十七日葬于京兆府萬年縣姜尹□憲嘗爲詠蛺蝶詩公稱其句因作竹暎杏花畫三蝶相從以寫其思其孤以憲辱公之貽遂泣血請銘銘曰

五曜垂晶羣山降靈鍾茲間氣瑞我昌庭遇物生象乘機肖□情通盼饗思入微冥顧陸遺蹤□張舊轍芳塵

寂寥妙迹□□□□空存神□永輟千齡万祀慘澹夷滅

唐制親王府傅一人咨議叅軍一人友一人文學二人東西閤祭酒各一人長史一人司馬一人掾一人屬一人主簿一人記室叅軍二人錄事叅軍一人功曹倉曹戶曹兵曹法曹土曹等叅軍各一人叅軍二人行叅軍四人典籤二人餘親事府及帳內府等官不下數百程公爲榮府長史居祭酒之次司馬之上蓋從四品官也榮在唐史無所致程公精畫唐書亦不載其人大和中陳丞相者

陳夷行也然夷行之相大和已改元開成矣非在

大和中也

文中悲字亂字蝶字
靈字万字俱照原碑

大原王公夫人清和張氏墓誌

碑長二尺濶二尺行書廿三行行空格多少不一

大唐幽州節度隨使押衙銀青光祿大夫檢校國子祭酒太原王公夫人清河張氏墓誌

鄉貢進士李玄中撰

夫人姓自軒轅之弟子揮始造安實張羅網世掌中其職遂爲氏焉夫人家族奇常洪維茂著精妙淑氣稱善人寰奉養盡心於晨堂婦道飽恭於大族可謂金玉顯明禮樂嘉世惟孝其德惟口其仁堅立規風溫顏內外實可比於行狀也 祖万友 父少清魯儒相襲業善

何曾不仕

王庭取恣優逸古今之有也于噉輪搖小焰劫促年光
夫人無何以咸通四年正月廿日寢疾至五月廿四日
歿於幽州幽都縣界勸利坊私第享年六十有一嗚呼
行路悼焉姻親感慟子孫泣血僉曰孝門

夫人有子四人長曰宏泰見任雄武軍平地柵巡檢烽
浦大將游擊將軍試左驍衛將軍文武全材

君親選寄弓開落雁詞逸橫科次曰宏雅 次曰宏

藉 次曰宏楚咸著義方俱修禮樂壯年當代名郎

其成時謂曰弓裘不墜矣

夫人以七月十三日禮葬於幽州幽都縣界保大鄉樊村之原也嗚呼哀哉愴兮窀穸知白楊早落慮青松後凋代變人移紀之陵谷乃縷其石保其始終銘曰

人寰何限兮流年光寘路何促兮空蒼蒼明月照墳兮下泉客春秋來去兮高白楊煙雲凝思兮埋古嶽風光聲哀兮成慘傷陵谷變移兮朝與暮寂寞終天兮堪斷腸

哀子宏泰書

楊君建刻

碑末行後小楷跋云

道光辛卯京師西直門外農民拙土出此石及太

原王公誌石福山于景元文學購得之自留其一
以此石贈鹿春如太守余見而愛之春如遂以轉
贈壬辰四月初一日棲霞牟房誌

按太原王公無名可攷當攷之文學自留一石上
今惜未之見也李公撰文子泰書俱不見佳且多
脫字首軒轅之弟子當云軒轅弟五子弟第可通
脫一五字便無文理廣韻軒轅弟五子始造弦碑
作造安字不可識安當是唐時弦俗字全材全字
作全中但一人而少一豎尤草率他如壯年當代
句不可句讀第以出土方新字畫明白存之以備

一品

佛頂尊勝陀羅尼經

石長六尺闊七寸行書共
八頁頁九行行不計字

佛頂尊勝陀羅尼經

并序

白鹿山人李端符捨書奉報四恩三有永充供
養吳郡陸承鼎鏤字

佛頂尊勝陀羅尼經者婆羅門僧佛陁波利儀鳳元年
從西國來此土到五臺山次遂五體投地向山頂祝曰
如來滅後眾聖潛靈惟有大士文殊師○於此山中汲
引蒼生教諸菩薩波利所恨生逢八難不覩聖容還涉
流沙故來敬謁伏乞大慈大悲普覆令見尊儀言已悲

泣雨淚向山頂禮已舉頭忽見一老人從山中出遂作
婆羅門語謂僧曰法師情存慕道追訪聖踪不憚劬勞
遠尋遺跡然漢地眾生多造罪業出家之輩亦多犯戒
律惟有佛頂尊勝陀羅尼經能滅除惡業未知法師頗
將此經來否僧曰貧道直來禮謁不將經來老人曰旣
不將經空來何益縱見文殊亦何必識師可到西國取
此經來流傳漢土卽是遍奉眾聖廣利羣生極濟幽明
報諸佛恩也取經來至此弟子當示文殊師利菩薩所
在僧聞此語不勝喜躍遂裁抑悲淚至心敬禮舉頭之
頃忽不見老人其僧驚愕倍更虛心繫念傾城迴還西

國取佛頂尊勝陀羅尼經至永淳二年回至西京且以
上事聞奏天帝遂將其本入內請日照三藏法師及勅
司賓寺典客令杜行顗等共譯此經施僧絹三十疋其
僧悲泣奏曰貧道捐軀委命遠取經來情望普濟羣生
救拔苦難不以財寶爲命不以名利關懷請還經本流
行庶望含靈同益帝遂留翻得之經還僧梵本其僧得
梵本將向西明寺訪得善梵語漢僧順貞奏其翻譯帝
□□僧對諸大德共貞翻譯訖僧將梵本向五臺
山一入於今不出今前後所翻兩本並流行于代小小
語有不同幸勿恠焉至垂拱三年定覺寺之僧志靜因

停在上都魏國寺親見日照三藏法師問其逗留一如
上說志靜就三藏法師諮受神咒法師于是口宣梵旨
經二七日句句委受具足梵音一無差失仍更取舊翻
梵本勘校所有脫錯悉皆改定其咒初注云最後別翻
者是也其句稍異于杜令顓所翻者其新咒改定不錯
并注其音訖後有學者幸詳此焉至永昌元年八月于
大敬受寺見西明寺上座澄法師問逗留亦如前說其
翻僧順貞現住在西明寺此經救拔幽顯最不可思議
恐學者不知故具錄委曲以傳末悟者

佛頂尊勝陀羅尼經

沙門佛隨波利奉詔譯

經文不錄

末一幅云

佛頂尊勝陀羅尼經一卷

喜眾君子建尊勝幢因書長句 興益沙門道朗

善住因來詣法王七生業累獲消亡還居忉利持章句
不遂天人戀色香波利一心瞻佛祖文殊再遣往西方
今朝國土雲幢立口智巍巍天地長

大唐乾符三年歲次丙申十一月甲戌朔廿二日乙未
建

都維那僧宏益 上座僧令從 寺主僧行忠

老宿杜諫 都料郁 直歲僧智宗

舊時標惠山寺經幢不知所據萃編載唐陀羅尼
經幢起天后至大和八年凡三十一種起開成至
唐末凡三十五種合計六十六種搜羅不爲不力
而獨無乾符三年之刻因補錄之

終南山老子道德經

碑長六尺四寸濶三尺四寸計二石石分七層每層三十八行行十字無書人姓名

全文不錄

按碑末有終南山古樓觀立石于道祖說經之臺
十五字餘無所誌人稱老子或稱老君無呼爲祖
者文曰道祖蓋唐以老君爲祖猶蓬萊歌之所謂
聖祖五千言也 雖無年代可考斷爲唐石無疑
因列唐碑之末云

先君所著有春秋推日編綱鑑推日編月令粹編
補略以及古今體詩四卷皆手自鈔錄庚申辛酉
之變避兵遷徙皆隨藏行篋嗣以身幾不保而各
種遂佚痛矣是卷亦係秉鐸壽陽時所輯爲佐廷
先兄手錄夾置各碑帖包中以碑帙重累瑣碎遂
與舊書等皮置紹興暨陽鄉下以後屢徙不復再
攜迨肅清後急往暨陽於破書堆中得之其原碑
榻本亦尙存六七故存者猶得據以校正幸矣光
緒八年九月男同校字并誌